

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-2662/10

Dana: 30.06.2010.

Općinsko vijeće Zavidovići na 24. sjednici održanoj dana 30.06.2010.godine, na osnovu člana 14. stav 4. Zakona o eksproprijaciji ("Službene novine Federacije BiH", broj: 70/07) i člana 25. Statuta općine Zavidovići ("Službeni glasnik općine Zavidovići", broj: 5/08 i 5a/08), po prijedlogu za utvrđivanje javnog interesa, donosi

O D L U K U

I

Utvrđuje se da je od javnog interesa izgradnja repetitorske stanice "Mahovski vis", te da se u tu svrhu može pristupiti nepotpunoj eksproprijaciji- ustanovljenju prava služnosti postavljanja repetitorske stanice za dobijanje signala za daljinsko upravljanje učinskih rastavljača u korist JP "Elektroprivreda BiH" d.d. Sarajevo, Podružnica "Elektro distribucija" Zenica, na dijelu nekretnine označene sa k.č. 1738/1 zv. «Ismići» šuma 3. klase pov. 1047403 m2, upisana u P.L. 47 k.o. Krivaja kao DRSV IP «Krivaja» dd Zavidovići, sa dijelom 1/1.

II

Utvrđuje se da je JP "Elektroprivreda BiH" d.d. Sarajevo, Podružnica "Elektro distribucija" Zenica korisnik nepotpune eksproprijacije za izgradnju repetitorske stanice "Mahovski vis".

O b r a z l o ž e n j e

Pravni osnov:

Pravni osnov za donošenje ove odluke je član 14. stav.4. Zakona o eksproprijaciji koji glasi: « Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.»

Razlozi donošenja:

Svojim prijedlog broj 03-6-209-1069/10 od 27.05.2010. godine, JP Elektroprivreda BiH d.d. Sarajevo, Podružnica "Elektro distribucija" Zenica zatražilo je utvrđivanje javnog interesa za izgradnju repetitorske stanice "Mahovski vis", te da se u tu svrhu može pristupiti nepotpunoj eksproprijaciji- ustanovljenju prava služnosti postavljanja repetitorske stanice za dobijanje signala za daljinsko upravljanje učinskih rastavljača na dalekovodima na dijelu nekretnine bliže označene u članu I ove odluke.

Uz prijedlog za utvrđivanje javnog interesa korisnik eksproprijacije priložio je:

- izvode iz posjedovnih listova
- rješenje o urbanističkoj saglasnosti
- dokaz o uplati administrativne takse

Kako će izgradnjom repetitorske stanice "Mahovski vis" biti omogućeno dobijanje signala za daljinsko upravljanje učinskih rastavljača na dalekovidima, te imajući u vidu činjenicu da su ispunjeni zakonski uslovi za utvrđivanje javnog interesa za izgradnju istog, ocijenjeno da je prijedlog za utvrđivanje javnog interesa opravdan.

Pouka o pravnom lijeku:

Protiv ove odluke može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja odluke. Tužba se podnosi neposredno sudu.

PREDSJEDAVAJUĆI
OPĆINSKOG VIJEĆA

(M.P.)

ing. Radosav Petrović, s.r.